



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 51. Martyrium S. Joannis, & Ejus Apocalypsis.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

Sæculum I.

A. C. 85.

§. LI.

Martyrium S. Joannis & Apocalypsis.*Tertull.**præsc. c. 36.**Hier. de**Script. Jo-**ann. id. in**Math. 20. 23.**Orig. ibid.**hom. 12.**Apoc. I. 10.**Apoc. 2. 1.*

Imperator Domitianus sub finem Regni Christianos persecutus est. S. Joannes Apostolus, qui tunc Romæ erat, in ferventis olei labrum immissus, ante portam latinam, illæsus permansit. Tum relegatus est in Insulam Pathmos, Sporadum unam in Archipelago, quæ ferme decem leucas in circuitu habent; ibi die quadam Dominica Apostolo, cum esset in Spiritu, multæ revelationes factæ sunt, datumque ei in mandatis, ut eas septem præcipuis Asiæ Ecclesiis scriberet, scilicet Ephesiæ, Smirnenfi, Pergameni, Thyatirenfi, Sardicensi, Philadelphia, & Laodiceæ. Apostolus sermonem ad Angelos harum Ecclesiarum, id est, Episcopos, dirigit, at monita, quæ in iis continentur, potius ad totum statum uniuscujusque Ecclesiæ, quam ad Episcoporum Personas pertinere creduntur. Prima est Ecclesia Ephesiorum, ubi Apostolus ordinarie residebat, & cujus Episcopus S. Timotheus S. Pauli Discipulus tunc temporis adhuc fuerit. Hanc Ecclesiam S. Joannes dilaudat propter laborem, patientiam, perseverantiam, contra Pseudo-Apostolos constantiam, & odium, quo in Nicolaitarum mores ferebantur; culpat vero remissionem

nem charitatis, & exhortatur ad poenitentiam. Secunda Ecclesia est Smyrnenfis, ubi tunc conjectura est, S. Polycarpum fuisse Episcopum, de quo certum est, quod a Sancto Joanne Apostolo fuerit ibi constitutus. Hujus Ecclesiae laudat paupertatem, in adversitatibus, & Judæorum calumniis patientiam; excitat, & prædicat, nonnullos eorum decem diebus fore persecutionibus obnoxios; quod haud dubie in persecutione Domitiani brevi & levi fuit adimpletum.

Sæculum I
A. C. 85.

*Iren. III. c. 3.
Hieron. de
Script.*

Apoc. 2. 8.

Apoc. 2. 12.

*Philost. Ap.
lib. IV. c. 3.
Stat. III.
Silv. 4.*

Apoc. 2. 18.

Tertia Ecclesia est Pergamensis, quam civitatem Apostolus nominat Satanæ habitaculum, ubi Thronum posuit, nempe ob celeberrimum Æsculapii Templum, quo ex omni Asia conveniebant. Mentionem etiam cujusdam Martyris Antypæ facit, qui vitam suam pro nomine Jesu posuit. Apostolus, seu verius Christus Jesus, in cujus Nomine loquitur, Ecclesiam Pergamensem laudat, quod Nomen suum conservaverit; at in eo vituperat, quod Nicolaitas toleret, docentes, Pseudo-Prophetæ Balaam exemplo, gulæ, & luxuriæ deliciis nihil homini exoptabilius. Quarta est Ecclesia Thyatirensis; laudat Apostolus ejus fidem, charitatem, patientiam, bona opera, quæ semper crescunt; reprehendit Pseudo-Prophetissæ tolerantiam, quæ ut altera Jezabel, sua doctrina Fideles seducat, ad impudici-

Sæculum I.
A. C. 85.

tiam, & manducanda Idolothyta excitet. Sub hac eadem Nicolaitarum doctrina hæretica intelligitur.

Apoc. 3. 1.

Quinta Ecclesia est Sardicensis. Huic Ecclesiæ melior meritis fama erat, cum esset in plerisque membris Gratia mortua; tamen pauci supererant non contaminati. Hos Apostolus ad agendam poenitentiam excitat, & doctrinam, quam receperant, retinendam.

Apoc. 3. 7.

Sexta Ecclesia erat Philadelphia. Non erat magni roboris, attamen in confessione fidei fidelis fuerat. Ait Iesus Christus, se huic Ecclesiæ aperuisse januam, quam nemo clauderet, Judæosque ejus pedibus prosternendos. Quod de propagatione Evangelii intelligendum. Protectionem suam in tentatione promittit, universæ terræ superventura; id est, in persecutionibus, diuturnitate, & extensione illas admodum superaturis, quæ sub Nerone, & Domitiano extitissent. Septima Asiæ Ecclesia est Laodicæa. Huic Apostolus teporem, & paupertatem exprobrat, quam ipsa non cognoscebat, seipsam innocentem reputans, quod delicta enormia non committeret. Fortiter hanc Ecclesiam ad conversionem impellit. Hæ sunt instructiones, quas S. Joannes ex Jesu Christi mandato ad Ecclesias Asiæ misit.

Multas deinde vidit visiones, quæ sæculis sequentibus futura sibi exhibebant.

Specia-

Speciatim persecutiones quondam Eccle-
 siæ tolerandas, persecutorum pœnas, Ro-
 mæ, ubi Idololatriæ sedes erat, ruinam,
 ipsius Idololatriæ extirpationem, & glo-
 riosam Ecclesiæ victoriam. Hæc omnia
 Apostolo sub imaginibus magnificis fue-
 re repræsentata, & harum revelationum
 collectio, quas in Insula Pathmos vidit, est
 liber Apocalypsis. In fine subjecit: *Pro-*
testor, cuicumque qui hanc Prophetiam au-
diderit; quiscunque aliquid addiderit, ad-
dat ei Dominus omnes plagas, in hoc libro
scriptas; & quiscunque ei aliquid ademe-
rit, adimet Deus portionem ejus de libro
vita, & sanctæ Civitatis. Hæc prote-
 statio propter illos scriptores videtur ad-
 jecta, qui libros describebant, ut, his mi-
 nis deterriti, hunc fideliter redderent;
 in quo facilius, quin adverti posset, pro-
 pter sensus obscuritatem, aliquid addi,
 vel ommitti posset.

Sæculum I.
 A. C. 85.

Apoc. 22. 18.

§. LII.

Persecutio sub Domitiano.

Eo persecutionis tempore Domitiano *Heges. apud*
 innotuit, superesse quosdam Chri- *Eus. III.*
 stianos, origine Judæos ex stirpe David, *hist. c. 20.*
 & Jesu, quem pro Messia, & Rege agno-
 verant, sanguine propinquos; timuit igi-
 tur, ne quid contra Imperium moverent;
 hi vero erant nepotes Judæ fratris Jesu

Z 3

Christi